

Privredno društvo za proizvodnju i transport gasa
„BH-Gas“ d.o.o. Sarajevo
Broj : 01-MR-1012-2645
Sarajevo, 05.08.2020. godine

Na osnovu člana 51. Statuta br. SD-0105-995 od 06.03.2017. godine, a u vezi sa odredbama člana 9. stav 1. Pravilnika o radu Privrednog društva za proizvodnju i transport gasa "BH-Gas" d.o.o. Sarajevo, Uredbe o postupku prijema u radni odnos u javnom sektoru Federacije Bosne i Hercegovine („Sl. novine FBiH“, broj 13/19) i Odluke o potrebi raspisivanja javnog oglasa za prijem radnika u radni odnos na neodređeno vrijeme br. 01-UD-1012-2636 od 05.08.2020. godine, Uprava Društva "BH-Gas" d.o.o. Sarajevo r a s p i s u j e

JAVNI OGLAS

za prijem radnika u radni odnos na neodređeno vrijeme

Raspisuje se javni oglas za prijem radnika u radni odnos na neodređeno vrijeme za sljedeće radno mjesto :

1. **Inženjer za telemetriju, mjerenje i regulaciju** (1 izvršilac), na neodređeno vrijeme, uz obavezan probni rad u trajanju od 6 (šest) mjeseci, sa mjestom rada u Sarajevu, Direkcija ;

Opis poslova radnog mjesta pod rednim brojem 1. Inženjer za telemetriju, mjerenje i regulaciju

Redovno kontroliše rad mjernih uređaja na primopredajnim mjestima, neposredno učestvuje kod pregleda, ugradnje i utvrđivanja stanja mjerača, te shodno nalazu preduzima odgovarajuće mjere, vrši planiranje nabavke rezervnih dijelova i opreme, planira, organizuje i odgovara za uredno baždarenje svih mjernih uređaja, koordinira rad sa institucijama mjeriteljskog sistema u BiH, prati najnovija dostignuća u oblasti mjerne tehnike i informatike, inicira poboljšanja u oblasti mjerenja prirodnog gasa i oblasti informacionih sistema u funkciji mjerenja količina prirodnog gasa, obezbjeđuje i odgovara za ispravan rad telemetrijske opreme, redovno kontroliše rad telemetrijskih uređaja na primopredajnim mjestima, obavlja i druge poslove po nalogu neposrednog rukovodioca.

USLOVI

Da bi zainteresovani kandidati mogli učestvovati u javnom oglasu potrebno je da ispunjavaju opće i posebne uslove za prijem.

OPĆI USLOVI

- da je državljanin Bosne i Hercegovine ;
- da je stariji od 18 godina ;
- da posjeduje opću zdravstvenu sposobnost za obavljanje poslova predviđenog radnog mjesta.

POSEBNI USLOVI

Kandidati koji se prijavljuju na poziciju pod rednim brojem **1. Inženjer za telemetriju, mjerenje i regulaciju**, moraju ispunjavati sljedeće uslove :

- VSS/VII stepen ili visoko obrazovanje prvog ili drugog ciklusa Bolonjskog sistema studiranja, elektrotehnički fakultet ;
- Dvije (2) godine radnog staža u struci ;
- Poznavanje engleskog – njemačkog jezika ;
- Poznavanje rada na računaru.

POTREBNI DOKUMENTI

Kandidati su dužni dostaviti sljedeće dokumente :

- Prijavu na javni oglas (svojeručno potpisanu) sa kratkom biografijom i kontakt podacima ;
- Uvjerenje o državljanstvu (ne starije od 6 mjeseci) ;
- Prijavu mjesta prebivališta (ne starije od 6 mjeseci) ;
- Dokaz o traženoj stručnoj spremi i kvalifikacijama / diplomu ;
- Potvrdu o radnom stažu ;
- Dokaz o poznavanju stranog jezika ;
- Dokaz o poznavanju rada na računaru.

Sva tražena dokumentacija koju kandidati prilažu uz prijavu, dostavlja se u originalu ili ovjerenoj kopiji, ovjerena kod nadležnog organa.

Radno iskustvo na poslovima sa stručnom spremom, koje je predviđeno za radno mjesto koje se popunjava, dokazuje se potvrdom prethodnog poslodavca ili Federalnog zavoda za penzijsko i invalidsko osiguranje (period angažovanja i stručna sprema radnog mjesta).

Uvjerenja o uplaćenim doprinosima se neće priznavati kao dokaz za traženo radno iskustvo.

Poznavanje rada na računaru dokazuje se Certifikatom o poznavanju rada na računaru ili kopijom razreda srednje škole u kojoj su kandidati imali predmet informatiku i kojim se dokazuje položen ispit iz informatike, ili kopija položenog ispita na fakultetu.

Poznavanje stranog jezika se dokazuje certifikatom ili drugim odgovarajućim uvjerenjem.

Dokumentacija dostavljena bez potpisane prijave na oglas sa kraćom biografijom i jasnom naznakom rednog broja i naziva radnog mjesta na koje se prijavljuje neće biti predmet provedbe procedure prijema u radni odnos.

Polaganju ispita mogu da pristupe samo kandidati koji su podnijeli uredu, potpunu i blagovremenu prijavu.

Komisija za izbor kandidata obavještava kandidate o datumu polaganja ispita pismenim putem.

Ako kandidat ne pristupi polaganju pismenog ili usmenog dijela ispita, smatra se da je odustao od učešća u oglasnoj proceduri i neće biti pismeno obaviješten o ishodu javnog oglasa.

Prilikom procjene kvalifikacija, iskustava i vještina, uzeće se u obzir izražena inicijativnost i nezavisnost u radu, sposobnost za savjesno i odgovorno obavljanje poslova radnog mjesta na koje kandidat aplicira, komunikacijske i organizacijske sposobnosti, naklonjenost timskom radu i sposobnost prepoznavanja interesa Privrednog društva.

OSTALE NAPOMENE

Javni oglas ostaje otvoren 8 dana od dana objavljivanja.

Rok za podnošenje prijave počinje teći narednog dana od dana objave.

Nepotpune i neblagovremene prijave neće se uzeti u razmatranje.

Izabrani kandidat je dužan, prije zaključivanja ugovora o radu, dostaviti svježe ljekarsko uvjerenje, kojim se utvrđuje njegova opća zdravstvena sposobnost za obavljanje poslova radnog mjesta za koje se zaključuje ugovor i uvjerenje o nevođenju krivičnog postupka nadležnog suda.

Prijave sa svim traženim dokumentima dostaviti neposredno u zatvorenoj koverti na protokol ili preporučenom poštom na adresu :

Privredno društvo za proizvodnju i transport gasa „BH-Gas“ d.o.o. Sarajevo

Obala Kulina bana 8, 71000 Sarajevo, Bosna i Hercegovina

Sa naznakom "Prijava na javni oglas za radno mjesto pod rednim brojem _____ navesti naziv radnog mjesta – ne otvarati"